

## ياااه ع الوشوش

ياااااه ع الوشوش

•والي باين في الوشوش..

...

•سكات وابلغ م الكلام

•وصمت صوته ما تنسهوش..

...

•مش شكوه م الجوع ولا

•ايد وغاويه مساله..

...

•عارفين اصول المرجله

•والصمت اكيد صوته وصل..

...

•شعبك عسل

•مبس كله ما تلحسوش..

...

•ياااااه ع الوشوش..

...

•شايف يا ريس

•هناك في اخر الصوره ع الشمال..

...

•الراجل اللي واقف ضهره محني

•ماهو حملة فوق الاحتمال..

• • •

• • •

• • •

• • •

• • •

• • •

• • •

## موتحن وتطاوعه السنين..



•لحد ما كلوا الادين

•وضحكت الايام عليه..

...

•مطب يعمل ايه

•والزمن بيزيد جنانه..

...

•والعمر بيعدي عليه

•والحلم بيطلع لسانه ..

...

•موالوطن اللي مستحمل عشانه

•محتي في موته ما ينصفوش..

...

•ميااااه ع الوشوش..

...

•والست اللي حاضنه الولد

•في الصوره منها فيه كتير..

...

•مطب كام عددهم في البلد

•مو بيستجيروا ومين يجير..

...

•عينهم يا عيني ع الولاد

•موالقلب خايف م المصير..



•مطب مين يضمن قلبهم  
•اخرج عليهم قولهم  
•انك شايفهم  
•يمكن قلوبهم مايخافوش..  
...  
•ميااااااه ع الوشوش..

